



Studiantenan ku a slag miho invitado na Youth Power Lunch



Entrega di Coca Cola Scholarship

E studiantenan ku a slag miho i esnan di mas ehemplar di Kòrsou djabiérne awor dia 4 di juli ta invitado na Youth Power Lunch 2008, un iniciativa di Merkado di Estudio I Profeshon bou di auspicio di Kámara di Komèrsio di Kòrsou.

E almuerzo ta un primisia pa Kòrsou pasobra no solamente lo rekoudá fondo pa medio di dje pero e hobennan mes tambe a wordu invitá. Youth Power Lunch 2008 a wordu hasí posibel dor di mas ku diesinku empresa i organisashon prominente ku afektuosamente ta otorgá na e hobennan e regalo aki i gustosamente lo ke interkambia di idea ku nan den un ambiente informal.

Mesun kos ta konta pa e rolemodels (personan ehemplar) yu di Kòrsou ku ta partisipá na e almuerzo, manera Rustico de Jesus, direktor finansiero di e empresa kulinario eksitoso ddFoodsolutions na Miami i Cedric Sprock di Café Barista. De Jesus, eks alumno di Radulphus College, ta alabes e oradó klave .

E Curaçao Beverage Bottling Company durante di e almuerzo lo entregá e Coca-Cola Scholarship (Beka) na un di e studiantenan ku a slag.

Rekoudashon di e Youth Power Lunch lo bai pa organisá aktividatnan additional di e 15 Merkado di Estudio i Profeshon Kòrsou riba dianoan 12 i 13 di november den World Trade Center ku e tópiko The Young Entrepreneur (E Hóben Empresario). E almuerzo aki lo tin un kontinuashon na november.

E Youth Power Lunch ta tuma lugá den Penthouse di Plaza Hotel na Punda for di 12or pa 2or.

E almuerzo a wordu hasí posibel dor di: Rotary Club Willemstad, Korpodeko, Curaçao Beverage Bottling Company, Maduro & Curiel's Bank, KLM, Irvita en Quena Plant Protection, Bistro Le Clochard, Ennia, Aquallectra, RBTT, Fatum, Total Services, CHATA, El Tributo, New India Assurance, Spigthoff Advocaten en Belastingadviseurs, Wasserij Korsow, Café Barista, Plaza Hotel i e Kámara di Komèrsio i Industria Kòrsou.